


丁未召鎮守保定右僉都御史祝暹

勅叅贊易州等處軍務右僉都御史陳泰兼巡撫保定河間  
真定順德大名廣平及提督各衛屯操巡撫永平山海等處  
右僉都御史鄒來學兼提督各衛屯種

庚戌總督邊儲叅贊軍務右僉都御史李秉兼理巡撫

太僕寺少卿黃仕雋言臣訪各巡撫考察官吏每憑里老以  
為去留聞里老多日前官縱容往來囑託公事經攬收物營  
求催辦害眾成家積有年歲間有端已臨民輒貽怨恨反加  
誣污巡撫官輒回斥罷郡縣官聞將考察盛席邀求賄之錢

帛以此多得保留否則去之殆盡用是里老有權官司受制  
刁民告害亦由于此乞該部移文巡撫分諭詳審或彼此互  
詢或稠獨交察或獨步暗行或遙審面辨毋徒取迎送隨從  
電過風飛使捕鼠一家奸大同害疏入命考察不定者坐之  
任雋復言巡撫朝廷重臣三司所行多被掣肘况在任年久  
或變節怠終昔唐玄宗謂張說曰向令十道使出巡諸州以  
察善惡茲回東封始知負朕多矣今豈無如前所云乞勅所  
在巡撫大臣惟總大綱無親細事惟從輿論無執私見其事  
妥萬民之處可無巡撫亦令多官集議暫從省革從之



設遷日聞往時糧長收賦見重于有司里老亦然今望有  
司屏足一跡里老尤賤即閭閻甚輕之代降事殊讀黃仕  
雋之疏亦觝不觝之一矣


甲寅瓦剌太師也先來朝貢馬復請報使上問兵部尚書  
于謙謝臣本兵知戰耳使事不敢聞遂勿遣報曰太師求答  
使朕固欲遣第恐更如往者構是非亡益反滋害故不遣人  
來者乃至三千餘邊將請謝絕朕念太師誠姑聽後少遣仍  
勅沿邊總兵官備之


乙卯叅贊宣府軍務右僉都御史李秉提督軍務

夜大星青白光自文昌流天紀

丙辰右都督孫鏜充副總兵都督僉事石彪充右叅將鏜協  
守大同彪守備西路宣府左叅將楊能都督同知衛顛為左  
右副總兵都指揮使張欽為署都督僉事右叅將協守宣府  
右叅將楊信為叅將仍守備懷來永寧時聞也先南侵  
丁巳山西布政司右叅政葉盛協贊獨石等處軍務盛治壁  
壘厲文學買牛千餘頭課下卒以耕公私皆贍

徐日久曰葉盛守獨石五年凡奉壘書四十餘道時景  
帝勤政每有邊報輒召本兵于謙商酌指授成算撰勅往





諭以故中外情意流通貫徹彼此閉上敗事益少今中朝

大老託言委任邊閔情務聽督撫自為之以為無可置喙

彼督撫者境地已隆權勢自遂更無有從中提督之者安

得太平時漫不加意臨事則去如敝屣也哉

戊午蠲太和鳳陽望江黃巖常寧耒陽衡山衡陽桂陽安化

瀏陽醴陵寧陽攸淑浦寧遠水旱田租

征南總督王來還京

十一月己未朔日食仍頒歷

吉安袁瑞旱災田租遞減有差

辛酉岷王徽燦畏苗求從湖廣書止之

壬戌金星晝見

甲子庶吉士張永為禮部主事

丙寅陝西按察副使白圭為浙江右布政使

免大名廣平順德災租

丁卯免真定保定災租

己巳上皇萬壽節群臣請朝廷安門詔罷

兵科給事中劉清為刑部右侍郎

先復遣使二千餘人入貢

庚午襄王瞻塏請明年入朝止之

辛未江西右布政使吳潤以孫綽寧府儀賓遂致仕

壬申嚴京師盜禁

兵部左侍郎翰林學士兼左春坊大學士商輅乞戶部遣官往大同宣府懷來永寧等處派卒耕田分兩番六日耕六日守從之

王鏊曰國家邊費最大欲省轉運之費莫若興屯田兵法取敵一鍾當吾二十鍾屯田一石可當轉輸二十石趙充國屯田湟中內有無窮之利外有守禦之備卒坐困西羗唐韓重華營田之利東起振武西隴雲州極于中受降城歲省錢千三百萬緡此前事之明效也今三邊之地固在也而人以為不可行者何也

免山東災租八十四萬三千六百餘石

甲戌命北京山東山西撫恤逃民免徭役五年

丁丑初瓦剌使至携所掠男子六十八人婦女三十人邀贖人予幣二雙然匿詐贖僅十之二三


少保于謙乞解總督軍務不許

戊寅鎮守真定右僉都御史祝暹予告

國權

景泰三年

三九



巡按直隸監察御史劉孜薦南京大理寺卿薛瑄宜館閣  
上不許

己卯許陝西罪人輸粟涼州納贖

庚辰大理寺右少卿張固捕盜山東

禁甯北使兵器

壬午見淳許王薨

兵部上禦寇安邊十一事從之

癸未逮巡撫四川右僉都御史李匡匡忤鎮守內官陳涓被

劾部科亦言之下獄坐污削籍

夜客星見鬼宿

甲申定畿內納米贖罪例

丙戌前軍右都督楊俊言乞先包藏禍心其妻孥輜重在哈

刺莽距宣府才數百里其精銳屯沙窩尤近宜選將率迤西


之士悉赴代州迤東悉赴永平大臣統京兵赴大同宣府列

營為正兵其永平之戍赴獨石按伏代州之戍赴偏頭關按

伏為奇兵正兵堅壁奇兵搗穴此攻取之一機也兵部于謙

危其計從之

嚴從簡曰兵莫善于奇正之相生而莫不善應援之無繼



夫鷲鳥之擊也必伏其形蜂蠆之螫也不盡其毒古人曰  
敗以為功始卻而終勝者其机皆在此也是故連營七百  
里伏終不行百里歷淮淝一敗塗地何者勢露于悉陳力  
止于一擊也三撥之說予于是乎有取焉

太子太保工部尚書石璞上言邦畿千里萬里瞻依禮樂刑  
政胥由此出乃盜賊伏發披甲戴兵明火劫掠近聞所獲強  
盜俱云誰不懼死但以糧賞不得全闕妻子飢餓難忍復審  
口外各軍邊夜行日伏偵探下情乃其月糧亦行減去致令  
窘迫是啟盜端寔非險道與減士饟寧捐臣俸又聞山東河

南兩畿今年水多小民缺食盜賊潛起福建浙江蔓延可畏  
乞勅吏兵二部省冗濫去蠶食其文武官俸六品以下如故  
五品以上斟酌減支量添軍儲被災郡縣蠲其徭稅暫停一  
應軍需遣一二大臣巡視賑濟疏下廷議詔官俸如故有仍  
冗員酌繁簡量省之

丁亥周王有燭薨王自祥符王進封年六十一謚曰簡  
戊子錄故誠意伯劉基七世孫祿


免河間災租

十二月己丑朔月夜犯六諸王星

國權

景泰三年

四



庚寅前軍都督僉事薛失連台改名忠

大理寺右少卿陳詢改太常寺少卿

右副都御史朱鑑致仕

壬辰兵部左侍郎兼左春坊大學士商輅以江北河南流民

入濟寧臨清被逐請募墾畿內閒田從之

選京營軍十五萬分十營各置都司一都指揮三把總部指

揮十五指揮三十團練太監阮讓陳瑄盧永都督楊俊郭震

馮宗提督聽太監劉永誠曹吉祥尚書于謙武清侯石亨等

節制

各道御史練綱等上八事節糧儲賞邊士選將卒畫長策禮

大臣廣薦舉禁違例清刑獄 上從之

復勅內官黎賢武良工部左侍郎趙榮治沙灣吏暗琳題

乙未府軍前衛帶俸都指揮僉事孫繼宗嗣會昌伯孫忠子


留守左衛小旗徐靖言富人納粟補錦衣衛官非制宜調衛

從之

丁酉都指揮同知顏彪為署都督僉事長籍信商受粟林

戊戌暹羅入貢李東曰京東武進三惠金買平其資月文林

己亥監察御史練綱等劾吏部推選之私上不問命



辛丑右通政蔣琳為右僉都御史提督宣府軍務整備邊儲  
召右僉都御史李秉回京秉在鎮三萬金買牛具貸民及秋  
而償餉遂足辦下以所掠男婦易我粟廷議計齒受粟壯者  
一石細弱五斗下難之秉概予一石不忍其俘也城白陽常  
峪靖邊張家口總兵官紀廣謂非計詔責廣從秉議又請尚  
書石璞簡鎮兵為三撥次第接戰從之  
癸卯令布按二司有關三品以上連名奏保餘吏部推選  
裁京庫收銀主事


甲辰尚書王直等請凡刺報使事下少保于謙言臣本兵知  
戰耳使事不敢聞遂勿遣

乙巳免保定災租  
丙午孟養思下發入貢求孟養舊地不許

丁未右都御史王來兼大理寺卿保定伯梁瑤為保定侯左  
都督毛福壽封南寧伯右都督方瑛為左都督以征苗功

辛亥尚書薛希璉鎮守山東孫原貞鎮守福建左都御史洪  
英鎮守浙江俱考察竣就鎮

癸丑都指揮僉事王淳仍鎮涿州保定時詔下警軍民奔逃  
乙卯巡撫廣東兵部右侍郎揭稽攻廣西巡撫廣西刑部下





侍郎李棠改廣東俱兼提督軍務

兵科都給事中蘇霖等謂任久人玩也尋以閣臣言仍如故

前吏部尚書趙新卒新浙江富陽人貢士永樂三年以善書

授工部主事進吏部郎中督漕歷尚書能幹辦其操不足也

賜祭葬

丙辰免河南災租五十七萬二千九百餘石

禮部乞瓦剌報使不許

丁巳司經局洗馬兼翰林院侍講劉定之報使下廷議請

國權

景泰四年癸酉 鹽官設遷孺木著

景泰四年癸酉

正月己未朔 上皇在南宮

辛酉鎮江大同總兵官定襄伯郭登右都督孫鏜等不協勅

解之


壬戌封幼圻沁源王

甲子平江侯陳豫復鎮守臨清

乙丑雲南都指揮使同知金吾左衛帶俸都指揮同知林宏

國權 景泰四年

一



錦衣衛帶俸都指揮同知脫字羅為左右前軍都督僉事  
俱征香爐山功

命河間知府王儉東昌知府李正芳賑撫河南流民檄原籍  
復業免徭賦五年

丙寅都督同知孫安為宣府總兵官鎮守獨石馬營  
命畿內山東河南捕蝗種

鎮朔將軍宣府總兵官右都督紀廣卒廣句容人龍隆慶右  
衛指揮僉事有胆略臨陣不懼賜祭葬贈溧陽伯謚僖順  
命南京各衛官分地巡捕歲代

麓川頭目陶孟刀邦緬等前入貢下錦衣衛馴象所至是乞  
放回不許

戊辰都督僉事過興為鎮朔將軍總兵官右都督鎮守宣府  
召鎮守延綏右都督王楨還京署都督同知郭震鎮守延綏  
論笞杖罪杖自九十笞自五十下納贖遞減

遣錦衣衛指揮治居庸關道便運


己巳命浙江江西蘇松淮徐等鎮撫官勸賑

夜火星犯昴宿

辛未上南郊

國權 景泰四年

二



夜月犯軒轅

壬申右都督楊俊率兵八千護送北使巡宣府已協贊軍務  
山西右叅政葉盛言俊舊棄獨石不守今亦何顏乞止令游  
擊將軍都督僉事劉深巡宣府從之

甲戌賑徐州飢

戶科給事中路壁言瓦剌報使無益在脩德厚邊積糧練師  
招賢安民旌德忠 上是之

丁丑召太子太保兼左都御史王文還京

禮科給事中劉珠行人劉泰往祭故暹羅國王波羅摩刺笮

的刺并封其子把羅藍米孫刺暹羅國王

戊寅梧州通判陳謨為知府賓州判官錢積中為知州俱殺

賊功

保定知府傅霖言捕盜御史擾民悉召還

賑隆慶州復業流民

留守左衛小旗徐靖請北使人回令自荷裝又欲調兵禦寇

命給靖冠帶月米二石赴都督孫安叅議


已卯免鳳陽揚州灾租

庚辰瓦剌使臣都督同知察占哈只阿力俱為右都督都督

國權

景泰四年

三



僉事兀馬兒阿老丁俱為都督同知餘進秩有差

調五軍營卒千五百人協守良鄉涿州

壬午右僉都御史蔣琳鎮守貴州提督軍務

河復決沙灣

癸未復董興右都督

錦衣衛小旗聶忠言國初用紅盔黑甲正統間改明盔明甲

至 上皇北征土木起營時南坡有明盔明甲疑勇士哨馬

來迎不備致敗乞改明盔明甲仍舊又永樂間貢夷多不過

五十人今下使動二三千乞成瘴地絕之又國耻未雪乞繫

臣家屬願率兵萬五兵往勦也先 上誕之不許

甲申禮部上 東宮冠禮

乙酉山西布政司右叅政林厚坐誣奏副都御史年富削籍

丙戌勅瓦剌太師淮王也先曰太師求答使朕固欲遣第恐


更如往者搆是非亡益反滋害故不遣人來者乃至三千餘

邊將請謝絕朕念太師誠姑聽後少遣時下使驕殺守備掠

人財物至欲騎入長安門稍約束即持弓相向吏卒不敢問

山西道監察御史鄭時上三事敦節儉以厚財用嚴賞罰以

肅軍威節勞役以厚民生民兵操練乞正月終遣回盡 赴京



九月到京從之

丁亥巡撫淮安等處右僉都御史王竑言去年正月大雪樹介夏秋雨水今春寒沍倍冬是陰盛陽微殆貪祿者君子少而小人多也望進君子而退小人省刑罰而止聚斂節財用而抑貢獻罷妄作之工嚴爵賞之濫庶几人事脩可變可回上從之

二月戊子朔畿內山東河南水災遣祭東岳河瀆

勅保定侯梁瑤仍充總兵官總督軍務同內官梁達及都督陳友右都御史李寶勸五開清浪等叛苗貴州左都督方瑛

援之

太僕寺卿宋瑛為兵部右侍郎清黃

已丑徐勇嗣武康伯徐禎子

廣西都指揮使黃瑛為前軍都督同知勅即赴京獎賚訖蒞


舊任

免廣平府災租六千四百餘石

庚寅巡按福建監察御史許士達擅逮彰州知府馬嗣宗至

京大理寺駁之以懲貪宥任達

辛卯進士鍾清為吏部稽勲主事



諭禮部禁言事繁飾告訖

壬辰兵部尚書儀銘掌詹事府右春坊右司直郎林聰改吏

科都給事中

減近侍官及內府供奉宿衛日饌有差

癸巳太子太保左都御史王文為吏部尚書兼翰林學士直

內閣

甲子築白廟兕堡于龍門關西二十里

乙未皇太子冠

詔河南東昌充徐今年減運京糧河南轉餉大同俱告災故

丁酉夜大星青白色自右攝提行文餘大如炬光燭地流天

紀一小星隨之

已亥治西京通州達道便運

壬寅禁科舉冒籍

召游擊將軍右都督楊俊還京

甲辰倭陷福建清灣巡檢司城

已巳署尚寶司事太常寺少卿朱禮卒


丁未署都督僉事雷通為平羌將軍都督僉事總兵官鎮守

甘肅

國權

景泰四年

六



已酉吏科都給事中林聰等請廷臣有喪悉終制不必奪情從之

夜大星青白光燭地自宗正流游氣

庚戌免吉安 去年災租二十七萬八千餘石

國子監祭酒劉鉉終繼母喪從之

辛亥右春坊右庶子署國子司業王恂為國子祭酒

壬子薛琮嗣陽武侯 薛銑子

夜大星赤光自帝座流宗人星

癸丑右都督楊俊下臺獄俊以游擊將軍送北使至永寧衛

醉杖都指揮姚貴被告因封還歷來勅命科道論其跋扈論

死錮之 美祥軍甘肅賊吳守備曾同味王婚卒

乙卯沂王及榮王冠免賀

昌平侯楊傑卒 不萬五五豎身一人


丁巳降楊俊都督僉事俊既囚遣楊傑卒傑母魏氏乞暫釋

治葬從之 齊何為謂此長官之尺少子凶中官非無為之計

三月戊午朔吏科都給事中林聰等言初任未兩考陞任未一

考并年哀者皆不許推舉從之 北京官之尺少子凶中官非無為之計

監察御史左鼎言四事修軍政遵成憲汰冗負責成效其汰



冗員曰主事每司不過二員今增為十御史各道共六十今  
百餘部有兩尚書都御史數十此京官之冗也河南布政司  
參議二今則四按察司僉事三今則七夫官皆為民今特設  
撫民則餘復何為哉此外官之冗也乞內外官非洪武之舊  
酌罷之庶省民力上大是之

己未裁各屬糧長九糧不萬石止糧長一人

夜土星逆行亢宿

壬戌平羌將軍甘肅總兵官都督同知王敬卒

乙丑金木二星合于壁又大星赤光照地自賈索流太微垣

丙寅夜月犯軒轅

丁卯琉球入貢

壬申鎮守易州等處右僉都御史陳泰兼提督倒馬關


癸酉禁命婦再醮

丙子吏部尚書王文請御史及布按二司回京各舉刺屬官  
否則罰從之

戊寅南京吏部尚書張鳳改南京兵部兼叅贊軍務戶部右

侍郎沈翼為南京戶部尚書

少監戴細保提督福建銀場





湖廣苗掠古城右都督陳友擊敗之

已卯武康伯徐勇卒

南京兵部尚書徐琦卒琦字良玉錢塘人永樂乙未進士授行人進刑部員外郎未赴改北京行部兵曹已改行在兵部職方宣德六年以右通政諭安南黎利還拜南京兵部右侍郎又往使黎麟降正統初考察南畿官吏五年叅贊南京守備景泰初進尚書明敏有斷務持大體時論頗重之賜祭葬謚貞襄

庚辰還召總督兩廣軍務左都御史王翱

辛巳命勲臣俱習武藝

賑徐州飢免逋租夏稅

壬午禮部右侍郎兼左春坊左庶子鄒幹賈三萬金賑濟寧

徐州

賑永寧縣飢

癸未大隆福寺成寺甲京師費以數十萬上將臨幸監生

濟寧楊浩西安姚顯各言非所以示天下禮部郎中章綸亦


言之即日止

丙戌昏刻大星青白光自庫樓流至濁

國權

景泰四年

九



丁亥內黃知縣周源為常州知府源治縣勸學課耕特旌之  
四月戊子朔復築沙灣決口

庚寅召宣府右副總兵都督同知衛穎右叅將都督僉事張  
欽還京時宣鎮兵少

吏科都科給事中林聰言銀場礦徵乞罷福建歲課章下撫  
按 甲午駙馬都尉沐昕卒

乙未南京禮部右侍郎姚夔改戶部  
前軍都督僉事脫、李羅賜姓名脫順

丙申太子太保兼刑部尚書俞士悅以大隆福寺成建齋請

收梟屍釋械罪刑科給事中尹旻糾其謬不問

前大理寺左少卿沈繁卒繁江南華亭人永樂間同兄度俱  
善書直內府歷翰林侍讀右春坊右庶子大理寺少卿


庚子起右副都御史馬昂總督兩廣軍務

監察御史左昂等言七事求實才以任民牧停銀課以杜民  
患務踐言以信斯民減工匠以省虛費禁游惰以敦本業專

委任以謹邊防選大臣以清治本下廷議

夜月食

癸卯改南京倉糧三十萬石于徐州備賑



夜月犯建星

甲辰吏科都給事中林聰等劾太子太保吏部尚書何文淵  
通政使使李錫刑部尚書俞士悅工部侍郎張敏俱不職惟  
命錫致仕餘不問

丙午免長沙去年災租之半

丁未雲南叅贊軍務大理寺左少卿鄭顥為右僉都御史仍  
舊任

戊申定各匠內府四之外官六之


癸丑命沿河有司收雜木易米賑民

夜大星二一赤光自左攝提流房宿一青白光燭地自北斗  
流雲中

丙辰免運河舡帶磚輸粟一升貯官倉賑飢從安東典

黃鎮之言

戶部左侍郎兼太子賓客劉中敷卒中敷大興人以靖難城  
守諸生授陳留丞進工部員外郎嘗署部事遷江西右叅議  
宣德初遷山東左叅政進左布政使正統初長戶部嘗械長  
安門得釋又召問貢馬駝留大同若干芻料若干不能對  
下獄削籍景泰初起左侍郎謹約食不重味家無厚貲年七



十四賜祭葬子給事中璉乞恩復尚書

五月丁巳朔免真定災租

左通政樂暉為通政使

移南京倉糧三十萬石于徐淮賑飢以嘉湖積粟抵南糧

已未夜水星犯積薪星

庚申安南入賀 東宮

命巡撫直隸侍郎李敏均田

定濟寧徐州中益例

夜大星青白光自天津流雲中

監察御史周文劾翰林侍講學士倪謙吏部左侍郎江淵俱

奪情有玷經筵詔不問

辛酉免長垣災租

乙丑前軍都督僉事楊俊嗣昌平侯 楊洪庶子


夜大星赤光自鈎陳流雲中二小星隨之

丙寅前刑科給事中王堪以匿喪削籍

工部尚書陳恭致仕右侍郎陳敏筦理柴炭

已巳裁山東山西筦柴炭叅議

吏部尚書王文喪母命奔赴即起任



辛未瓜哇入貢

壬申山東飢運河間小麥九十二萬餘石脩賑

癸酉旱遣官分禱寺觀

甲戌徐州大雨水淹稼民愈飢賑之

乙亥前軍都督同知黃瑛赴召至京留任其家人繫廣西獄者俱宥之

丁丑吏部尚書何文淵致仕

除廣西逃租

木星晝見

癸未召何文淵復任

監察御史沈琮王驥伍星會陳獻還京初各從巡撫官理事謂非制也

增陝西按察副使監督延綏慶陽糧科裁其叅政


乙酉河又決沙灣北隄四十餘丈

六月己丑巡撫河南右都御史王暹言黃河舊從開封北轉流

東南入滙淮右為害正統間徙為二一決新鄭東繞延津封

邱入沙灣一決滎陽漫原武抵祥符至項城太康雖嘗築隄

沙王善崩議量起軍民協築周防後艱報可



巡撫浙江右都御史洪英兼理鹽法

辛卯時令罷官非贓罪者許輸粟二十石給誥勅戶科都給事中劉煇等非所以勵臣節命戶部改正

壬辰太子太保吏部尚書何文淵左春坊左庶子兼翰林侍講周旋下獄初文淵守浙江温州治行稱最而典銓浸損其望旋以溫人疏救之至是吏部都給事中林聰等攻文淵并及旋上宥之給事中曹凱廷諍遂並繫而文淵善太監興安故復留勅章有囑託內臣語上詰其人終不置對乃釋文淵致任旋復秩


太子太保左都御史王翱為吏部尚書

甲午瓦剌太師也先誘赤斤蒙古衛都督亦魯伯通好命備之

己亥刑科左給事中賈凱言戶部奏准軍民官吏輸苴補官如輸苴四千石以上授指揮又生世襲是生民之脂膏養無功之子孫于無窮也其弊甚大乞誥部允輸運粟苴授武職者帶俸不任事亦不世襲文職例原籍衙門帶俸終身從之壬寅靖遠伯王驥求回北京從之

甲辰兗州大雨水

國權 景泰四年



卯刻木星晝見

乙巳復陳璇浙江按察使璇繼軒輓後雖劑以寬而嫉惡懲  
奸民甚德之及洪英考察罷璇浙人訴其枉回復任而英來  
鎮守又誣劾之科臣交救得雪

召還鎮守浙江右都御史洪英

丁未昏刻大星赤光自天梃流宦者星

辛亥後府帶俸都督僉事王斌為都督同知

壬子夜月犯井宿

甲寅進士劉泰郝淵之郭本項愔彭城田斌吳琛劉紀楊福

汪清辛訪張瑄章亮陳顥趙銘為監察御史

七月丙辰朔蠲杭台寧波災租

鳳陽淮徐開封衛輝南陽兗青萊大雨水順天保定太原旱

朔州電遣視之

丁巳南京太僕寺王榮致仕

己未陝西道御史王福為順天府丞

罷納粟補官例


庚申夜大星青白光自天厨流天津

壬戌禳旱分告天地社稷山川之神

國權

景泰四年

十五



協贊軍務左副都御史羅通上百將傳要略

吏部尚書王直等以災變乞減俸不許

癸亥閣臣乞減俸停日饌不許

乙丑左春坊大學士兼翰林侍讀彭時右春坊右庶子兼翰

林侍講趙恢主考應天

各部院大臣上便民事宜從之

脩滁陽王廟

始令給事中御史各二人糾察陪祀官齋宿

工部尚書石璞治沙灣河決同教諭彭瑄往

夜月犯建星

丙寅戶科給事中何陞言各科都左右給事中闕負往自

薦保濫授乞吏部今後遵制推選從之

丁卯河南布政司右叅政豐慶言張秋阻運請自清河口入


黃河抵開封滎澤轉至衛輝昨城泊沙門陸輓三十里入于

衛抵京師命督運都督僉事徐恭覆報

庚午翰林院檢討兼右春坊司諫曾暹為國子司業

癸酉復兩浙巡鹽監察御史

右都御史監大理寺卿王來為南京工部尚書兼官如故南





京工部尚書王永壽改工部專理柴炭  
太子少保大理寺卿蕭維楨為左都御史太子少保左副都  
御史羅通為右都御史大理寺右寺丞李茂為右少卿  
禁軍民越訟  
丙子右春坊右諭德蕪翰林院侍講徐瑄改名有貞初土木  
之變程倡南遷上薄之累薦不用至是謫閣臣陳循告  
以故遂更名  
庚辰勅兩京法司各布政按察司各巡按御史各郡縣恤刑  
務悉心推究

停天下不急工役

湖廣右布政使崔恭為江西左布政使

開封教授黃鑾言近例納粟八百石入國子監需次出身恐

貽譏史策戶部覆嚴之

壬午大星青白光自五車流文昌

八月乙酉朔戶部右侍郎孟鑑為左侍郎兵部右侍郎李賢改  
戶部


婺源朱楸以宋朱熹九世孫求入國子監許之

錦衣衛帶俸指揮使吳安為前軍左都督南京錦衣衛帶俸

國權

景泰四年

十七



指揮使吳信為南京前軍左都督

真定河間廣平安慶彰德平陽旱松江蝗遣視之

己丑廣東布政司左叅議陳贄為太常寺少卿

裁麗江軍民府知事照磨檢校各一

辛卯周府昨城王有燿薨年四十二謚莊簡

河南按察僉事劉清請濬馬曲灣裝載岡百十九里通衛河

便漕又分沁河之勢亡張秋之患行人王晏亦言之

壬辰太常寺少卿兼翰林侍讀學士陳詢侍講學士兼右春

坊右中允呂原主試順天

貴州道御史白仲賢為廣東按察使被劾降鎮江知府

癸巳蠲免東昌今年災租

乙未蠲福漳泉興化去年災租有差

鳳陽淮徐山東河南游飢民多死徙總督漕運右僉都御史


王竑大發官廩斂富人粟舟過河下令如意出米粥既河南


山東之存活百八十八萬八千五百餘人又斂富人米麥穀

粟二十五萬七千七百四十餘石銀三千六百七十餘金錢

布半之給災民五十五萬七千四百七十九家又給農具種

子七萬四千三百九十七家他境流寓安輯者萬六百餘家





初諸倉皆空獨廣運倉備京儲主以一中貴一戶部官竝欲

發主者難之竝曰民惟邦本旦夕趨死脫不測治爾召盜罪

不赦然後吾請死主者許之上得荒奏驚問柰何無先時

飢死我民及聞竝事大喜曰好都御史

占城入貢

戊戌右都御史洪英前考察浙江官吏頗私斥被論徵至下

獄放歸

庚子夜大星赤光自鬼宿流軒轅

癸卯監察御史張機等捕盜畿內

大乙巳定清軍御史二年一代

丙午夜月犯井宿鉞星

戊申召南京大理寺卿薛理授大理寺卿

庚戌大同總兵官定襄伯郭登疾還朝

署都督同知郭震為征西前將軍都督同知鎮守大同署都

督僉事顏彪為都督僉事右叅將協守

辛亥巡按直隸監察御史程璫請移國子監于東長安街南

從之

壬子工科給事中徐廷章上七言事曰重官爵師保之位非

國權

景泰四年

光

具經綸調變之才不可輕畀今部增尚書一人  
都察院增左右副僉都御史三十餘人又徧加師保高華猥濫所宜慎重  
曰慎師儒教官宜用一榜貢士曰嚴科貢宜依宣德正統例  
曰卻珍奇蠻夷屢貢金銀寶石火雞白鹿諸物傳道病民曰  
固封守河南山東湖廣浙江可省巡撫官遼東永平紫荆諸  
邊鎮不可闕曰禁諂瀆京師寺觀榜禁淫穢曰誅阿附吏部  
尚書何文淵罪免其餘許資王巍汪庭訓陳鈍何澄王遠皆  
依附宜罪以上以許資等舊臣不問巡撫亦如故

九月乙卯吏部尚書王文奔喪還朝


吏科給事中盧祥言近議寬恤云謀逆反叛人命強盜許自  
首免此非常法 上是之

左都御史陳鎰致仕

丙辰吏科給事中盧祥以辦事吏丁昇乞召回鎮守福建內  
臣戴細保夫細保果違法害民不可不察報聞

辛酉夜大星赤光照地自紫微西藩流近濁二小星隨之  
壬戌夜大星赤光照地自北斗杓流近濁

甲子福建僑倭署都指揮僉事王雄追賊海中被執釋歸降  
秩立效



乙丑定科舉歲貢額如正統例

工部尚書石璞等鑿河長三里避沙灣決口通運河從御史陳綱之請教諭彭項先言之

庚午免柳州桂林去年災租二萬二千五百二十餘石

哈密忠順王倒瓦答失里私會七先 上命嚴邊備

總督南京糧儲右副都御史軒輓奔父喪還任

辛未除光祿寺少卿陳誠軍籍 山東靖海衛

大風雷

癸酉寧夏副總兵都督僉事馬讓疾免東路左叅將都指揮

使王榮為右軍都督僉事副總兵

國子監祭酒王恂卒恂公安人宣德五年進士選館授檢討

進脩撰以大理右寺丞巡撫貴州景泰二年改右庶子領司

業四年進祭酒能頒列條教沒諭祭


十乙亥定禮闈分考官俱詞林科第毋預教官

太常寺少卿陳詢為國子祭酒

武昌黃荆早開封汝寧大水遣視之

丙子遠府枝江王貴熠薨年三十九謚莊惠

庚辰李浩服闋補南京工部右侍郎




辛巳時諭禮部凡建言者參看或違例假報復具奏罪之吏  
糾給事中潘榮謂其過言路不聽  
癸未刑部右侍郎耿九疇改右副都御史仍鎮守陝西以侍  
郎不能攝御史也

十月丙戌時四夷貢使多至千人需索凌奪不可禁禮部請治  
其使臣譯者不聽

前工部尚書周忱卒忱字恂如吉水人永樂甲申進士選庶  
吉士預修大典授刑部主事進貢外郎尋除越府右長史宣  
德中拜工部右侍郎巡撫江南一切破崖岸興利祛弊臨民  
和易雖卑官賤隸傾懷接納尤機警善籌畫諸郡錢穀巨萬  
一屈指無遺筭遇時通變公私皆羨歷戶工部尚書仍巡撫  
致仕賜祭葬謚文襄

袁袞曰予初聞故老言文襄事甚衆練達精密雖古之劉  
晏韓滉何以加焉誠理財善事也其最善者在咨詢不倦  
務集衆思不以所能自矜故所建立皆審計利害可施之  
永久夫以文襄之才受知于聖主又有三楊當國夏忠靖  
在戶部故得久于其任言無不從以展布所蘊然猶困于  
多口今觀公所上執政書曉、馬自辨之不暇讀之可為



太息嗟乎天下萬世有公是非彼讒人者烏能訾公哉

設遷曰周文襄生財節用東南寶式賴之史謂其多費餘財結權貴信任群小意當時權莫喻王振而籍振家得貴金人鐫云義子周忱百拜夫文襄雖借交固住何至覩喪若此也或內監同名氏者不當以傾文襄

左軍都督同知劉得新卒

夜大星青白光自五車流軒轅

庚寅勅各鎮守巡撫等官課農墾荒

壬辰浙江按察僉事彭貫被劾致仕貫剛毅善斷每治獄多

平反

甲午右僉都御史鄒來學為左副都御史仍提督永平等處軍務右春坊右諭德蕪翰林侍講徐有貞為左僉都御史治沙灣決河

後軍都督僉事徐恭為都督同知右僉都御史王竑為左副都御史仍理漕運

乙未李祖壽廕府軍前衛百戶司直郎蕪編修李泰嗣伯父


太昌監永昌至是錄永昌軍功恭子祖壽廕焉

戊戌瓦剌也先貢馬書稱大元田盛大可汗田盛猶言天聖

國權

景泰四年

三



也末稱添元元年書曰往者元受天命主夷夏今已有其位

盡有其國土人民傳國玉璽敬遣使脩好仍通問 上皇

己亥夜月蝕犯六諸王西星

鎮守花馬池右軍署都督僉事王榮卒榮順義人

辛丑提督遼東軍務左副都御史寇深兼巡撫及總督屯種

倉場糧儲

乙巳遼東副總兵右都督施聚為左都督

後軍都督僉事郭瑛卒瑛高郵人

丁未浙江道御史練綱協贊陝西延綏軍務

戊申復主事提調清江提舉司

庚戌免柳州荒稅

壬子陸矩服滿補右僉都御史

十一月癸丑朔仍留陝西各府撫民府

右僉都御史陸矩奏贊延安綏德軍務馬恭回京

下二千餘騎犯遼東興水堡左副總兵都督焦禮擊卻之


甲寅日本入貢

丙辰瓦剌七先弟賽因孛羅魯王等入貢

庚申封幼璜內邱王

國權 景泰四年

高





癸亥 上皇萬壽節群臣請賀詔罷

甲子荆王瞻堯王母張妃永樂末封宣德四年之國建昌  
正統十年改封靳勤學好古祇慎肅恭延攬文學之士年四  
十八詔曰憲

丙殷寅勇營署都指揮僉事黃鑑為署都督僉事副總兵協  
守寧夏

停山西今年被災田租五十七萬六千八十餘石

丁卯夜月犯六諸侯星五色雲見

戊寅以御史章張鵬言簡東宮師傅講讀官命胡濙王直陳

循高穀王文儀銘江淵蕭鎡俞山俞綱商輅日更番侍班左

春坊大學士兼翰林院侍讀彭時專講書詹事府丞李侃李

齡右贊善兼檢討錢溥編修劉吉專侍讀吏部郎中王謙中

舍人兼正字趙昂更日侍書

浙直山東河南自是日雪至正月積數尺淮海俱冰人畜凍

死亡筭

夜月犯星宿


辛未 皇太子見濟甕謚懷獻

丁丑蠲河南災租七十九萬八千一百七十七石

國權

景泰四年

五




已卯太子少保兼左都御史蕭維禎母喪命奪情奔喪復任  
辛巳前禮部尚書楊翥卒翥字仲舉吳人洪熙初大學士楊  
士奇薦之授翰林檢討歷編脩修撰遷郟府長史致仕景泰  
初入朝拜禮部左侍郎致仕四年復入朝進尚朝仍致仕素  
敦行以德重稱其處人所不堪無幾微介于意賜祭塋  
合馮時可曰仲舉以布衣至八座其遇合亦罕當任重輒自  
免無所繫吝蓋恬穆性然哉乃若請朝英廟陳古遜讓  
春事抑何卓見遠識勇于為義至此天順鼎革獨不蹈噬臍  
前之禍詩曰既明且哲以保其身其此之謂與厥嗣請就一

簿聊坐烏衣善繼公志矣

林之盛曰予聞之陸文裕公曰楊公在景泰朝人謂其憤  
憤不達權變每醉二叅擲榆之供浮白一笑然楊公為  
景廟從龍之臣可立致青紫而請朝南城辭榮不就此固  
智士所不能為者竟為之無畏首尾天順復辟禍亦不及  
故曰寧愚毋智斯可以任事

十二月癸巳吏科都給事中林聰言也先報書毋從其偽稱安  
遠侯柳溥仍言瓦剌太師部院諸臣請稱瓦剌可汗以廢之  
禮部儀制司郎中章綸言可汗雖夷狄嘗稱寔其尊號觀上



唐太宗為天可汗元世祖為成吉思可汗奈何以加也先莫若別封敬順王或瓦剌王

丙申遼東左副總兵官右都督焦禮為左都督

免濟南青州萊州災租二十四萬六千三百十四石

夜月犯井宿

丁酉前南京大理寺少卿呂昇卒昇餘姚人貢士

己亥南京右都御史陳勉卒勉字希進寧都人永樂丙戌進

士授御史歷廣東按察副使左副都御史南京大理寺卿外

和內剛吏治敏捷

庚子夜月犯軒轅星

辛丑定稱也先瓦剌可汗

乙巳夜月犯井宿


丙午徵福建鎮守少監戴細保以奉御來往鎮守


庚戌免鳳陽夏麥九萬八千八百十三石有奇

兵部郎中殷謙為右通政

壬子賑隆慶州復業貧民

是冬建昌武昌漢陽疫





國權 未幾東萊島區新附諸戰之  
景泰五年甲戌 萬曆元年  
監官設遷孺木著

正月癸丑朔 上皇在南宮

江南大雨雪連旬不止 是黃雁去平田


丁巳平鄉伯陳輔卒 喪者備合論賞以恤

戊午黃河清于龍門芮城廷臣欲賀止之 是千器歸悲其

已未禁南京快船帶貨

辛酉夜大星青白光照地自底宿流從官小星十餘從之

國權 景泰五年



甲子 上南郊

乙丑 免慶成宴

少保于謙言北使多攜所掠人口或父母妻子認識悲泣其家無力贖令通事昌英等諭令給賞以酬之報可

丙寅 蠲廣平真定保定淮安黃州去年田租

丁卯 勅諭入覲官

右副都御史馬恭致仕

戊辰 夜金木二星會奎宿

辛未 裁遼東苑馬司復州龍潭二苑

壬申 閉福建建寧二衛錫場

左春坊左庶子翰林侍讀周旋卒永嘉人正統丙辰進士

夜月犯氐宿

癸酉 夜月犯鈞鈴下星

甲戌 平江侯陳豫吏部左侍郎兼翰林院學士江淵撫安山

東河南時連年水旱


太白晝見

丙子 夜月犯建星

丁丑 巡撫河南右都御史王暹劾免

國權 景泰五年

二



戊寅順天冒籍貢士尹誠汪諧陳益龔匪黃顯李隨李森錢  
輪除名

己卯福建按察使張彥失職降黃岩知縣

辛巳都指揮使曹廣署都督僉事充叅將守備遼東開原

二月癸未賜七先及阿刺知院武古系猛可等王子綵幣有差

進士鄭冕周冕清董廷圭吳綽靳敏李人儀陳僕杜昇為南

京監察御史

前軍署都督僉事崔福降都指揮使以沮壞馬政

丙戌金星晝見

丁亥夜金星犯月

傳文水縣遜租

令三營總兵官石亨柳溥張軌上戰禦方略

己丑兵部左侍郎兼左春坊大學士商輅司經局洗馬兼翰

林脩撰李紹主禮闈

壬辰定邊衛儒學止行釋菜禮毋用牲

癸巳巡撫湖廣右都御史李實好作威人厭苦之徵還以工


部尚書王永壽往

丙辰內使阮得陳攬等乾沒草料下獄

國權

景泰五年

三



雲南右叅將都督僉事李友卒友壽州人

丁酉禮部右侍郎鄒幹理柴炭

已亥琉球署國事尚泰久入貢言兄國王金福薨次兄布里與侄志魯爭立壞賜印國人推立臣乞補賜印

辛丑太子太師安遠侯柳溥為平蠻將軍總兵官鎮守廣西宣府左副總兵都督同知楊能還領神机營總兵官都督僉事楊信充宣府左副總兵都指揮僉事苗貴充副總兵鎮守貴州代方瑛


太子太保戶部尚書金濂卒濂字宗瀚山陽人永樂戊辰科

進士授御史歷按廣東江西浙江廣西廉甚進陝西按察副使督餉尋進僉都御史提督寧夏歷副都御史籌邊宴然進刑部尚書頗刻峭南征閩賊進宮保戶部尚書見劾改工部剛果有才望值多事理儲賴之然隱詐褊執云年六十三賜祭葬追封沭陽伯謚榮襄

甲辰召南召京兵部尚書張鳳

乙巳勅中外諸臣脩省求直言

已酉南京右都御史張純改南京兵部尚書叅贊機務南京管糧右副都御史軒輓為南京左副都御史理院



三月壬子朔等貢士彭華等三百四十九人于奉天殿賜孫賢

徐溥等進士及第出身有差

前軍都督同知黃珙奏求霸州武清閑田被劾不許

淮安鳳陽災民虧馬駒二年許四匹買補其一

出帑金萬五千給淮鳳揚徐河南貧民易種子

甲寅免景陵縣災租千三百餘石

乙卯免江寧上元懷寧災租三萬三千一百二十餘石

己未南京通政司右叅議丁澄提督南京倉場

壬戌監察御史王驥奏河南山東多餓殍而內臣御史太僕

少卿寺丞兵科主事儀馬經縣繁費况儀馬縣不過百十匹

或二三十匹乞專委御史寺丞餘官還京從之

癸亥復黃子嘉東鹿知縣

廣東賊趙音旺等平


乙丑進士邱濬耿裕彭華劉鈺陳龍劉綸孟勳何琮吳禎嚴

淦尹直陳政寗珍馮定金紳黃縉王寬夏時選庶吉士尋命

左春坊大學士彭時右春坊大學士劉儼教習閣臣提督考

校

吏科都給事中林聰等言八事崇聖德以答天意脩人事以





消咎徵罷齋醮以舒國用禁勢要以限田地汰僧道以去游  
食禁私役以振軍旅慎刑獄以導和氣寬班匠以舒民力

上嘉納之

丁卯免河間去年災租三千五百三十餘石

夜月犯氐宿

己巳通政司

免大名去年災租萬五千三百五十石

乙亥南京守備寧遠伯任禮協同守備都督僉事趙倫不相

能互詬切責禮降倫都指揮同知調廣西柳州衛

丁丑安南入貢

戊寅禳旱

淮安多盜命吏部尚書王文撫捕

四月壬午朔日食

癸未監察御史周清守備小龍門


內官監太監陳謹請京城外西湖陶磚瓦戶部謂採草止備

牧不勝陶止之

甲申工部尚書石璞奔喪回京

南京兵部尚書張鳳改戶部

國權 景泰五年



丙戌以山東寒凍遣太常少卿李宗周往禱

丁亥勅河南按察僉事馮進提督巡視開封南陽流民附籍

撫治

庚寅秦府永興王志堦薨年四十八謚恭

辛卯四川草塘叛苗黃龍常保平黃龍常保偽稱平天大王

據地泡山寨掠播州其叔黃定千偽都總兵據水坪大坪貴

州提督軍務右僉都御史蔣琳總兵官都督方瑛會四川兵

擊敗之擒常保等斬七千九百六十餘級獲二百三十餘人

械入京

癸巳命僧道請度牒于通州運米二十石輸萬全等衛

甲午進士程景雲陳琳康琳黃謹王朝遠高宗本史瓘徐毅

徐宗熊俊李益王春胡德盛曾清為南京試監察御史

辛丑勅工部尚書東閣大學士高穀祭告鳳陽祖陵皇陵孝

陵為民祈福

乙巳工部計匠二十八萬九千有餘南京五萬八千北京十

八萬二千今北京分四班歲四萬五千人從之


己酉募運通州粟六萬石于龍門赤城

五月辛亥朔復李經莒州食從四品俸

國權

景泰五年

七



也先令人覘中國虛寔戶部以聞

癸丑進士王儀為山東道御史

甲寅寧都知縣田肇坐事在京言襄陽逃民多盜宜許其占

籍杜患刑部尚書俞士悅謂占籍事擾民格之

丙辰都督僉事王勇為都督同知

戊子從谷庶人

賦

齊庶人

賢

俱安置南京

夜大星青白光自天市西垣流下台三小星隨之

庚申初木邦宣慰使罕蓋法子罕落法宜嗣職其族思捐法

阻之罕落法走孟都蠻求救命左叅將都督胡誌諭之各聽

命

壬戌吏部右侍郎項文曜為左侍郎戶部右侍郎李賢改戶

部

貴州道監察御史鍾同言比者定州新樂縣擒賊二人屬臣


問訊皆云也先使覘中原視形勢要害處也先帳下多有南

人我之虛寔彼備知之臣聞此言深為寒心在朝大臣恬不

介意秦伐趙諸侯自若獨子順諫燕王曰燕雀乳堂子母昔


煦之相得龜突爰上燕雀不知禍及而顏不變當是時皆以

子順為狂燕敗子順言中今在朝大臣有不變之顏矣臣茲




言之不狂則謬臣草茅時聞內監構惡戕慘劉球諫臣自是  
鉗口上 皇上出征未有見人明日出諍臣見諸臣之為燕雀  
也 皇上赫然中興誅強梁旌忠直親六師禦敵于郊上 喪  
氣北還蓋不戰而三軍之氣自信臣謂 皇上有堯舜之仁  
湯武之智周文之小心鞭撻四夷致太平無難者柰何瓦剌  
甫退創夷未復侈心遽生願自今無狗貨色無甘游戲親庶  
政以總威權敦倫理以厚風俗辨邪正以專委任嚴賞罰以  
彰善惡崇風憲以專彈劾去無益之賞罷冗雜之員禁僧  
道之蠹民擇賢將以養軍鑒前車慎後軌親率群臣謝過郊

廟如武湯之六事自責太平之十漸即改然後延攬英雄講  
明方略則天意可回中國可安而瓦剌可徐圖之矣昔韓信  
起于餓夫樊噲出于屠犬張良著于亡命古今英雄何嘗之  
有唯其上有漢高用之下有蕭何薦薦之是以能佐命興基  
昭休流景今 皇上求才如渴大臣排抑尤甚雖選將之命  
屢下中朝所舉所膏梁厚祿親戚朋舊屈抑在下者殊難自  
通即如曩命將帥人言方略經旬踰時殊不陳奏柳溥石亨  
有言又不過侈庸儒之說之經久之慮平時如此有急胡濟  
誠念醜下 陸梁朝臣欺誑延攬講明具失其道涕泗噬臍歎




息拊膺臣父復昔任翰林臣今同職言路兩世受恩忍寧緘  
默上覽奏命禮部集議竟寢  
甲子禮部儀制郎中章綸監察御史鍾同下錦衣獄初懷  
獻太子薨鍾同諷禮部請復立沂王禮部尚書胡濙輩莫敢  
上言同疏論沂王事上未即罪會章綸言脩德弭災十四  
事畏天戒任燮理養聖躬節幸御務儉約勤論政敦孝義慎  
賞賚重名節革巡撫擇重臣辨異端卻貢獻汰冗官其畏天  
戒曰昔伊尹告太甲曰立愛惟親立敬惟長始邦家終四海  
孟子曰堯舜之道孝弟而已誠以孝弟者百行之本善萬之

源天子所以德教加百姓刑四海者也 太上皇君臨天下  
十有四年是天子之父也與 陛下合本共根是同氣之兄  
也 陛下身受冊封是 上皇臣子也 上皇 廷遠書傳  
位是以天下授也 陛下遙尊為 太上皇帝是天下至尊  
也幸而奉引還宮是 陛下與天下至願至望也 汪皇后正  
位中宮孝敬勤儉聞中外矣 陛下冊世子母杭中為皇后  
固謂母以子貴不意世子薨矣臣竊觀夫北極五星明大則  
吉是復中宮之象天意固欲 陛下厚閔睢之終正夫婦之  
倫也望退朝之暇尊奉 上聖皇太后 太后兩宮脩問安



視膳禮朔望節旦親詣南宮率群臣朝見展天顯之愛極恭  
厥之道而又念母儀不可久虛復正 汪皇后之位推念  
上皇傳位之意仍立沂王為皇太子則親愛全備堯舜可師  
六宮儀範不期而正出震繼體不期而毓 上大怒夕逮綸  
已逮同榜掠之更引大臣及通南城狀竟不承以鍾同先上  
上并逮欲殺之會風霾得少間進士常熟楊集觀政兵部上  
書于謙曰黃珙為易儲之說脫死耳明公國柱石也戀宮僚  
之貴而不思所以善後乎脫章綸鍾同死杖下而公坐享崇  
高如清議何集謁選得六安知州

六 儲瓘曰當是時元臣故老猶多在列喋無一語獨綸以死  
爭 帝怒置之獄濱死或者謂 帝意他有所在故罪綸  
特甚是蓋不然綸所言觸忌諱者多矣 帝于此特遲留  
不即處分耳 懷獻既薨 帝繼未有嗣故太子不立而  
誰立乎此理勢之必然者異時茂陵手詔復 帝舊號而  
辭旨温厚且遠究當時權臣而已 帝之意至是益彰矣  
河間順德廣平真定大名旱 帝意至是益彰矣  
乙丑封幼球廣宗王幼璫唐山王幼璫永年王成煥博野王  
音堃岷世子音載南渭王



南京總督糧儲通政司右叅議丁澄被劾下獄

丁卯南京工部尚書李浩督理糧儲

成都推官何福全為威州知州以夷民詣闕得之

己巳巡撫湖廣刑部右侍郎李棠疾還京

辛未浙江按察僉事永新劉克彥致仕

壬申昌平侯楊俊冒支布麥下獄尋釋

癸酉總督兩廣軍務右都御史馬昂兼巡撫廣西

丁丑諸城知縣余真為莒州知州

六月辛巳朔蠲濟南青登東昌懷慶衛輝汝寧南陽旱災夏稅

壬午余儼服闋補右僉都御史仍清黃

忠勇伯蔣信卒信忠勇王也先土木之甥初名把台賜姓名

從上皇臨能擁護賜祭塋贈忠勇侯謚僖順

癸未減南京光祿寺歲酒三萬瓶


丁亥復太原稅課

戊子錄囚

甲午總督南南京糧儲工部左侍郎李浩兼理屯種

丙申朵顏衛都指揮阿兒乞蠻來貢馬言瓦刺七先勾三衛

且欲內犯



戊戌留蘇松常鎮夏麥備賑

己亥雲南左布政使賈銓湖廣右布政使馬謹右叅政徐備  
按察副使陳質定州知州王約清苑知縣吳宗慶治績俱有  
稱賜勅誥馳封贈

辛丑易州大風雨雹拔木傷稼方百餘里


泰寧等衛都督僉事章干帖木兒等言也先見擾求附塞居  
大寧廢城及甲盾兵部持不可勅曰大寧城迫近塞不便射  
獵又炎暑恐生疾疫非所宜居其去塞二百里住牧毋犯邊  
吏約甲盾不爾吝冠至則給

南京翰林侍講學士邢寬卒寬字用大無為人永樂甲辰進  
士第一授脩撰進侍講南侍講學士署南雍孝友善交苦足  
疾不樂內朝云


癸卯吏部尚書王文賑飢蘇州獲長洲盜二百人奏上誅十  
六人餘戍邊文支蘇松常鎮淮揚糧九十七萬二百十三石  
有奇賑三百六十二萬一千五百三十六人  
金星畫見

乙巳進士唐泰為吏部稽勲主事

戊申太子太保吏部尚書兼翰林院學士王文為少保吏部







尚書兼東閣大學士

巳酉夜火木二星合于胃宿

揚州大風雨潮決高郵寶應

七月庚戌朔南京大理寺左少卿廖莊言臣入仕十餘年間見

陛下向在邸邸 太上臨朝冊封令群臣歲時謁賀恩禮隆

洽今深居南內 陛下起居大見踈曠非所以慰天心教天

下又 太上子 陛下猶子宜使親近儒臣輔成德器以端

國本以繫人心不報

卯刻木星見

辛亥復邢隆無錫縣丞

僧錄司右善世南浦等納賄度僧下法司尋宥之

壬子木星晝見

癸丑禁外夷經處私販

白溝河決

己未長垣知縣蕭翼為順德知府

庚申勅閣臣纂脩天下地里志遣進士王重等採訪

辛酉旌昌黎訓導洛陽閻禹錫孝行

癸亥京師大雨水壞城即築治

木星晝見

丙寅吏部左侍郎兼翰林學士江淵召

太子太保兵部尚書儀銘卒銘字子新密高人父禮部郎侍  
智廢給事中改翰林脩撰進侍講正統五年改邸府左長史  
持正不阿景泰初拜禮部左侍郎明年進南京禮部尚書已  
召還進太子太保兼兵部領詹事府言弭災教事錄祖訓上  
之質直負氣遇事侃侃不媿其父贈太師謚忠襄祭塋子海  
廢錦衣衛百戶

設遷日遇合自有時如儀忠襄以任子起家省院因濫常

秩矣追轉郎郎未免賈太傅之誣反藉以通顯人生世上

出處可豫定耶彼號為才學非矜炫則渙忍聞忠襄之風

亦可以為世戒焉

丁卯禮部尚書胡濙兼署詹事府

已巳減飢民盜粟之罪

庚子封左都督方瑛南和伯左僉都御史蔣琳為左副都御

史都知監左少監梁達為太監俱征草塘苗功


壬申仍遣給事中御史禮部官考僧童給牒

癸酉蘇松鳳陽淮安廬揚大水

國權

景泰五年

十五



丙子趙王瞻塙薨年四十三謚曰惠

成都大雨水壞城

八月庚辰朔真定人邵以正班祭酒下

復李燦涑水縣丞

癸未安南入貢

乙酉倫倭都指揮使翁紹宗為中軍署都督僉事巡撫南畿

戶部右侍郎李敏為尚書倫倭巡撫如故監察御史彭誼為

大理寺右寺丞

丙戌雲南總兵官檻送賊子思机發等至京師伏誅

戊子夜月犯建星

己丑夜月犯牛宿

辛卯擇戶部覈災江南

壬辰瓜哇入貢

甲午召鎮守臨清平江侯陳豫

丙申正一嗣教仲虛守素紹祖宗法真人張元吉為正一嗣

教清虛冲素光祖演道崇謙守靜洞玄大真人掌天下道教


事竣無入京南遊東大同歲一至寧夏其熱甘肅老嶺一

丁酉蔣也兒字忽嗣忠勇伯蔣信子

國權

景泰五年

十六



太子少保左都御史蕭維禎奔喪還朝

復巡撫入京議事遼東大同歲一至寧夏延綏甘肅決歲一至期四月朔各京省歲一至四川廣東廣西雲南決歲一至期八月朔  
巡按廣東監察御史盛景巡撫廣東右侍郎揭稽互訐奏按之情偽各半俱下獄

戊戌秦府輔國將軍公鈴公鎧內亂廢為庶人錮京師

巡按河南監察御史張瀾言原武黃河東岸元開二河合黑陽山舊道引水濟徐呂二洪今改北而決二新河水不通二

洪宜改濬一河仍接舊道入洪約二萬人度一月罷從之

內使田福私至藁城捕誅之

夜大星青白光燭地自紫微東藩流雲中火星犯六諸皇星

已亥南京翰林院檢討王積署院事

始考勲戚家屬塾儒士


甲辰錦衣衛千戶劉泰伏誅泰善僧官道秀因造妖言誣上林苑監菜戶李貴兄弟遂反坐初泰捕盜冀功賞也

東昌兗濟南大雨河溢傷稼

九月庚辰山西都司獄逸

國權 景泰五年

七



癸亥總督兩廣軍務右副都御史馬昂為右都御史

許南京罪囚輸粟贖罪

癸丑翰林院侍講兼左春坊左庶子楊鼎為戶部右侍郎

夜金星掩軒轅左角星

戊午禮部尚書胡濙薦道士仰弥高知兵命授道錄司左立

義協守宣府然寔無他長也

壬戌戶部尚書張鳳等上江南恤災事宜從之

甲子夜大星青白光自天桴流游氣

丁卯夜金星入太微垣右掖門

戊辰寧國安慶池州旱蝗遣視之

甲戌曉刻金星犯太微垣左執法星

戊寅戶科右給事中何陞言往使河南見沁河有漏港今水

溢或築誠令舟從漏港出沁入黃度二旬可達于淮願以臨


清輕舟試險易命左副都御史王竑等相度之

十月庚辰右副都御史劉廣衡巡撫浙江福建

免真定廣平順德大名衛輝彰德河南懷慶吉安災租

辛巳赤斤蒙古衛都督阿速上瓦刺七先印檄

癸未鳳翔知府扈暹廉謹先秩滿郡人留之食正三品俸至



是秩又滿進從二品俸

丙戌夏瑄服闋補南京尚寶司丞

起復左通政王繼吏科給事中李秉彜言其非不聽

戊子夜大星赤光燭地出自紫微東藩流北斗杓後二小星

隨之

已丑命禮部慎選各王府儀賓

免長垣縣雜稅

辛卯罷引沁河時命工部右侍郎趙榮偕行人王晏往視榮

言弗利乃寢時欲罪晏不問

癸巳夜月食

甲午瓦剌知院阿剌為七先大將求太師不許阿剌怒七先

殘忍荒酒色諸部稍解散忌阿剌欲討之恐不勝乃自遣其

子守西番召阿剌二子從先鳩殺阿剌次子阿剌懼詐言兀

良哈盜馬請召還其長子合擊之七先使賽利大同二王與

俱臨行觴馬中途其長子亦中鳩死阿剌益怨詒賽利大同

前渡川自後率部落三萬趨七先所數之曰漢兒血在汝身


上脫不花王血也在汝身上兀良哈人血在汝身上天道

好還血在我矣七先曰今者我災詰朝與汝戰退與伯顏帖

國權

景泰五年

九



木兒真孛羅平章等議帳中有阿剌故部曲三人轉事也先  
久也先不之疑因共趨帳中拔所佩劔刺也先并殺伯顏帖  
木兒等賽刊王聞變領七千人躡之既知也先死棄衆去乘  
十七索馳為其下卜兒答追及射殺之大同王竟西奔也先  
之强悍慄賊倉卒死于所部中國自此息肩矣  
前南京禮部左侍郎陳璉卒璉字廷器廣東東莞人洪武貢  
士教授桂林秩滿進國子助教永樂召巡狩平湖二頌擢初  
知許州尋改滁州政尚平恕 太宗北狩聞其治行進守揚  
州掌領滁如故再九年進四川按察使存大體不細碎猶謂

未峻召改南京通政使署國子監事憂去正統初起南禮部  
左侍郎又五年致仕璉孝友和厚博通經史以文學知名賜

祭葬

乙未夜月犯天關星

丙申夜月犯井宿

戊戌南京刑部尚書楊寧子瑀廕新安衛副千戶世襲

已亥守備廣武營都指揮使种興為左叅將鎮守寧夏西路


庚子進士胡榮王鉉張寧崔忠胡福錢俊張浩為給事中

地震

國權

景泰五年

二十



辛丑夜大星赤光燭地自紫微西藩流近濁

癸卯失朝官二百二十四人各奪俸一月

丙午錦衣衛鎮撫門達捕遺盜進正千戶仍治鎮撫司獄復

求陞進指揮僉事

丁未羅山教諭邵祥言今春大寒竹樹魚蚌皆死災極矣乞

主臣脩省從之

十一月己酉夜大星青白光燭地自八穀流天船

乙卯前軍都督同知黃瑛死或曰仰藥云

丙辰刑部右侍郎李棠予告

戊午免蘇松常鎮織幣練買

乙未定官吏食鹽

曉刻金土上星合氐宿

庚申吏部考功主事吳誠以躡等被劾調工部虞衡司


辛酉鎮守福建兵部尚書孫原貞上論屯種漕運逃民上

是之

壬戌夜月犯畢宿復掩天闕星

甲子罷南京守備寧遠伯任禮以平江侯陳豫往秦及飲水

丙寅哈密使臣阿力乂毘毘甘州驛卒死勅其王自治之





戊辰增召商納草價  
甲戌湖廣右都督陳友奏婁羅絞洞上下婆洞等寨及清水江苗約萬衆流劫黃土坡及平茶等處官軍擊斬三百餘級都指揮成安指揮王福劉玉等八人死之餘逆乞調永順保靖鎮溪等兵兵部疑其詐下撫按酌究  
夜大星青白色自內平流太微西垣三小星隨之  
丙子左僉都御史徐有貞上言沙灣策曰水之為性可順焉以道不可逆焉以堙漢世功難殫子易汴渠蓋其徵也河自雍而豫出險即夷又由豫而兗土疎而水益深沙灣之東所

謂大洪口適當其衝于是決而奪濟汶入海之路以去諸水從之故隄潰渠淤今欲驟堙祇益于潰耳請先疏水勢平乃治決止乃濬淤因為之防以時節宣無溢涸而清河可得而安也

十二月戊寅大理寺左寺副王恕為揚州知府

庚辰內閣供奉太常寺少卿王謙調南京禮部郎中蔣宏吏部員外郎王琮改南京刑部以泄事納賄也


壬午錦衣衛指揮同知畢旺領鎮撫司

免霸州文安大城饒陽災租

國權

景泰五年

三



丙戌免杭湖嘉興災租五十一萬六千餘石

命禮部榜示喪葬婚嫁服舍舊制禁奢侈

丁亥內使阮縉附司禮太監興安盜官木治剝西山絹論苑  
安不問

十夜大星青白光自太微垣右執法流雲中

己丑御史鄒亮劾太監陳公等于城濠私植禾藕命按之

辛卯雲南虛仁驛丞尚禔上言近者積雲連旬窮陰彌月

陛下體元于上大臣宜盡心調元于下聖學之勤非徒開筵

進講而已理亂興亡之道天人感應之理須得于心而見于

行至言路雖開執政往往撻拾條例輕則寢罷重則中傷

陛下宜親覽奏言苟合理必有區處毋徒今日行明日更二

三其德矣親藩日蕃以衆祿養漸耗恐未能安然自遠釋教

盛行滿于京師絡于道路自王振時今年日度僧明年日度


僧日熾月甚宜盡令歸俗務農又師保滿朝非惟輕名器抑

且濫爵賞此非臣敢言在 陛下斟酌耳疏上禮部覆寢之


壬辰鎮守處州都指揮同知王瑛言銀場洪武中原額不及

三千金曰歲辦永樂宣德間增額曰開辦如青田縣歲辦不

千金至開辦至萬四千三百餘金民深被害乞如洪武中例



戶部謂原額太輕下布按二司議上癸巳夜月犯軒轅  
丙申免灤州及昌黎水災秋租千五百餘石  
戶科給事中高崇言前募義勇七千餘人乞放歸仍蠲徭一  
年命總兵官等議之  
丁酉夜大酉赤光燭地自北河流五車  
戊戌召工部左侍郎趙榮專委徐有貞治河  
己亥太僕寺卿李賓為右副都御史提督山海等處軍務



國權

景泰八年丁丑

正月丙寅朔 上皇在南宮

辛未太子太師武清侯石亨攝享太廟

壬申吏部大計罷斥有差

癸酉吏部左侍郎項文曜喪父命奔喪還任


丁丑 上力疾出宿南宮

戊寅石亨攝郊事 上還御殿亨受命榻前知 上委頓出

國權 景泰八年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



有異謀矣


已卯免慶成宴

禮部尚書胡濙等疏問安且乞早建皇太子草奏左掖門左  
都御史蕭維禎舉筆易建曰擇衆頗易之疏上不允

時 上疾甚儲嗣未定內外憂懼在廷各懷易君之意俱屬  
沂王司禮監太監陳 王誠與大學士王文謀取襄王子立  
之其事漸露太監興安諷群臣請復迎立 上皇學士蕭鎡  
不可王文持兩端王文鴻臚主簿萬祺知祿命告石亨曰  
皇帝在宮奚事他求



庚辰群臣復請立太子禮部尚書姚夔與大學士高輅議率  
百官伏闕請

辛巳集朝房姚夔屬高輅草奏輅屬草曰 陛下 宣宗章  
皇帝子宜復立 宣宗章皇帝孫皆曰善疏具日已暮皆出  
而石亨與徐有貞等夜奪門迎 上皇出南宮即皇帝位改  
今年天順元年

























國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393403, v.20

國家圖書館, NATIONAL CENTRAL LIBRARY, TAIWAN, R.O.C.





武功伯徐有貞兼華蓋殿大學士

總旗汪端為錦衣正千戶迎駕功

戊寅策貢士夏積等二百九十四人于奉天殿賜黎淳徐瓊

等進士有差

械內官劉茂于掖庭景泰間載唐妃習馬至是有言復辟時

欲擒太監劉永誠也

已卯山西行都指揮盛廣為都督同知

誅妖賊郭貴郭榮等

致仕右都御史沈固為戶部尚書固先在大同善石亨


國權

天順元年

二十四



國家圖書館, NATIONAL CENTRAL LIBRARY, TAIWAN, R.O.C.





後軍都軍同知曹欽為左都督錦衣都指揮同知曹鐸為左  
軍都督同知

金吾左衛指揮使楊善為都指揮僉事善自陳先從內膳監  
屢聞密謀如 皇太后初省南宮以王良舒良議俟再至沮  
之臣達于內臣劉成 皇太后不再過去

進士楊瑄為吏部主事

壬午右副都御史耿九疇為右都御史

興濟伯楊善兼禮部尚書

都督同知石彪奏巡撫大同左副都御史年富違法繫治京

師 上問李賢富何如對曰其在大同公以斷 上曰彪將

惡其不利也召錦衣門達訊之既多誣賢曰欲白富當再勘  
請遣給事中郎中二員 上曰使武職一人同之否者彼謂  
文臣相黨果白之富致任


故都督同知王貴追封阜城伯謚武僖

癸未夜火星犯鬼宿

丁亥右僉都御史林聰賑飢山東

夜火星犯鬼宿犯積尸氣

戊子勅右都御史耿九疇曰朕惟御史內糾百官外按方隅



受朝廷耳目寄苟非其人曷任稱使景泰失政臺諫進選每  
出私門當官者或枉汪嚮獄言事者或濟私罔上出巡者或  
張聲勢作威福官邪不敝紀綱蕩然爾承朕簡必奉公正已  
督率咸脩御史不職爾等察舉爾等不職亦聽御史糾劾黜  
陟幽明國典斯在

已丑戶部言樽節利民五事從之

庚寅減濟南東昌青兗柴炭之役

辛卯安南入貢

還趙王瞻塢歲祿三萬石先是景泰減二萬石

工部左侍郎孫弘往易州相度採取亂炭以景泰間移真定  
平山故勘其孰便竟駐易州


留守左衛通濟門千戶小旗陳福請汰僧道 上是之下禮  
部核胡僧數以聞

壬辰都指揮同知曹濬為都督僉事

四月甲午勅群臣脩省申刻金星見

乙未兵科給事中江彤行人劉寅之往封占城國王盤羅悅  
免浙江去年災租五十四萬餘石

丁酉樞兵官南和伯方瑛奏湖廣賊蒙能已誅又勸其黨斬



二千八百九十餘級擒賊屬五百餘人命班師

戊戌召鎮守湖廣貴州左副總兵都督陳友

夜月犯井宿

己亥後軍都督僉事馬顯為都督同知

庚子太僕寺卿夏衡為太常卿吏部郎中黃采為太常少卿  
兵部上缺軍之數命文職景泰間調伍者不准

辛丑兵部右侍郎陳汝言左副都御史寇深選京衛軍職深  
尋憂去兵科給事中王鉉代

壬寅後軍署都督僉事劉信為都督同知

乙巳夜大星赤光自心宿流牛宿

丙午冊貴妃周氏


命御史給事中各一存恤軍士蓋正統例景泰初格之初  
上諭徐有貞等曰中外民艱皆曰有司之匪人卿等當審察  
先有犯贓復職及見任失行寡績老疾者具以奏于是福建  
等布政司黃輿輩貴州等按察使張海輩鎮江等知府白仲  
賢輩俱免

丁未科道劾司禮太監陳昂阮蘭黨奸俱安置南京不叙  
臨清舡鈔改徵粟鈔千貫折粟一升

國權

天順元年

二十七



命內外法司錄囚

前吏部尚書何文淵卒字巨川廣昌人戊辰進士授御史薦  
守温州課最拜刑部右侍郎予告起吏部左侍郎進尚書陟  
太子太保素善太監興安曰見劾去奪宮保易儲詔天降下  
民作之君父有天下傳于子二語每自矜其二語及復辟怵  
禍而副都御史陳泰左遷廣東副使道廣昌或曰逮文淵也  
文淵懼自經

戊申久旱遣告郊社山川諸神

吏部上興革五事從之

己酉刑科都給事中喬毅等言四事敢忠孝以正綱常黜貪  
汚以勵庶官舉荒政以卹民生禁奢侈以節財用 上是之  
庚戌工科給事中耿裕改檢討避父九疇摠憲也

內官李雍王定等世襲錦衣衛千百戶

辛亥保定伯梁瑤鎮守陝西


都督僉事哈 改姓名陳守忠

癸丑忠國公石亨會昌侯孫繼宗摠五軍營太平侯張軌懷  
寧伯孫鐘搃三千營安遠侯柳溥廣寧侯劉安摠神機營太  
監曹吉祥劉永誠吳昱王定監之

國權

天順元年

二天



甲寅襄王瞻塔入朝見之武英殿

黃瑜曰天順初王文于謙以請迎立襄世子被誅及襄王來朝上禮待甚隆其後世子竟嗣王位終始親睦無間然則迎立之謀其定未定益可知也

辛未貢使五百餘人還至大同高山站殺護卒百人奪馬甲而去命逮西路叅將李顯以供饋不給也下廷臣議制禦方略以聞

乙卯犯寧夏洛陽官兵扼于河乃設伏誘西路左叅將都指揮使種興以千餘人追之敗沒興死子賄陳汝言得予祭

丙辰戶興部言興除八事從之

松潘指揮周剛巡邊遭叛番入犯擊斬三百五十餘級

丁巳刑部右侍郎黃仕雋賑河間濟南飢


錦衣衛都指揮僉事劉敬素結權貴其妻出入于唐興杭昱太監張永阮蘭家上初冒功得都指揮僉事至是科道劾敬復辟前一日回夷使來朝選校尉三百餘人陰助永謀逆遂下獄左都御史耿九疇言復位時定督校尉警蹕行禮遂降東昌指揮使

戊午封遼寧平涼王還埽真寧王徵緹漢陰王李壇通城王

國權

天順元年

三九



誅妖人王斌。府軍前衛軍餘雞髮曰悟真。襄城縣妖言  
結黨作亂約數千人入漢中。值官軍被執事。聞誅五人。餘戍  
省之。

已未免永平去年災租

庚申卜五百騎餘犯大同。猫兒庄

壬戌卜二千騎犯甘肅。牧羊臺右叅將李榮追斬十級。擒二  
人。進榮都督僉事。

逮貴州巡撫蔣琳。初按察僉事李叔義奏其恃于謙商賂淫  
虐等罪。工科給事中張浩往訪之。亦以聞。

詔處士中學貫天人才堪經濟。隱居高尚。不求聞達者。有司  
以聞。

霍謫曰。初國用人薦舉為重。貢舉次之。科舉為輕。今則科  
舉為重。薦舉次之。薦舉不行矣。此士風之所以日偷也。


五月癸亥朔。松潘兵備刑部左侍郎羅綺。召至。改左副都提督

御史

命邊儲出納。祇部司官酌畫。總兵官毋預。

甲子。禮部右侍郎許彬。薛瑄俱為左侍郎。

誅柳州衛千戶盧忠。鎮守寧夏太監高平。景泰時忠任錦衣



衛指揮平任尚衣監各計令校尉李善奏 上皇同太監阮浪及南城內使王瑤圖復位于是浪瑤及忠俱下錦衣獄瑤被殺浪瘦死忠釋後坐事謫柳州至是特收忠平磔于市籍其家

廣東遂溪教諭吾豫請究南宮易儲之主議者并盡誅于謙等所舉文武重臣章下刑部都察院謂駭眾心得已

乙丑後軍都督同知馮宗為右都督

命停清軍御史 夜金木二星合井宿

丙寅迤北太師孛來知院阿哈刺忽來奏獻寶璽勅曰此璽

已真夫即真秦物耳朕無藉此獻否惟爾：何留我馬政為

夜大星赤光自尚書流鈎陳二小星隨之

誅徐正及軍餘汪祥

丁卯卜三千餘騎犯大同威遠衛官兵擊敗之擒五人斬十

六級

戊辰命石亨班師

辛未安遠侯柳溥充提兵官巡宣府大同


壬申收在京乞人入養濟院

癸未毀廢帝郕王壽陵時襄王瞻塔謁天壽山還言郕王墓

國權

天順元年

三十一



杭氏越分乞毀之以工部尚書趙榮往

甲戌放教坊司樂工樂婦四百八十六人

乙亥逮鎮守大同太監常力轉工部右侍郎霍瑄奏其宴用  
妓樂復強取所部女為妾諸不法事 上怒下獄尋宥之

丙子畿內疫

廣西古丁等峒賊劫武緣南寧

木星酉刻見

忠義前衛司吏張昭言近遣官舍往西洋土魯番亦力把里  
撒馬兒罕哈密等處分投和番此虛費不如救山東之飢民


上遂已之

己卯右都御史耿九疇言五事崇廉耻以勵士風清刑罰以  
召和氣勸農桑以厚民生節糧賞以勸軍士重臺憲以振綱  
紀 上嘉納之

壬午設襄陽護衛指揮使司政群牧所為中千戶所 上重  
襄王故優之

上元六合盱眙定遠來安等蝗命捕之

乙酉御史楊瑄還自河間論石亨曹吉祥侵占民田 上以  
示徐有貞李賢皆曰御史言正 上嘉之





丙戌致仕左都御史馬昂復任  
夜夢見危病狀如粉絮色青白芒拂之搖動至丁亥夜芒五寸餘

左都御史馬昂賑飢山西

己丑復發三萬金賑山東仍量災免田租

卜犯威遠衛守備都指揮李英擊卻之

命都督劉源雷通鎮守宣府備字來如獻至一戰一守

庚寅廣西副總兵都督僉事陳旺為都督同知右叅將都指

揮使孫麒為都督僉事獎其賓州殺蠻功

辛卯召陝西定羌馬<sub>田</sub>丞廖莊為大理寺左少卿

壬辰免河南去年災租

摘神武定州等衛軍千五百人分戍紫荆倒馬龍泉等關

六月癸巳朔譚祐嗣新寧伯

譚璟子


工部主事屈銓等二百四十八人坐贓命赦俱閑住

暹羅貢使市山東飢民子女命贖之

夜夢見室宿芒丈餘

甲午右都御史耿九疇右副都御史羅綺下錦衣獄初上

以楊瑄言覈侵田御史張鵬等遂具草悉亂石亨他罪狀欲



上兵科都給事中王鉉漏之亨泣訴云言官承徐有貞指敢  
論且鵬故太監承從子也 上御文華殿面詰諸御史其  
語盡 上曰誠然而曹何不早上也悉下獄究所自詞連九  
疇綺亦坐之

安南國王黎濬請袞冕不許初命尚寶司卿黃諫太僕寺丞  
鄒允隆諭復辟及冊東宮且賜濬綵幣遂遣右納言黎希葛  
等入賀

丙申胡官副千戶李鐸為後軍都督僉事  
忠國公石亨請解兵柄不允

丁酉兵部右侍郎龔永吉改南京禮部陳汝言數侵王驥謂  
其私永吉故調之

刑部右侍郎劉廣衡署都察院

卜犯偏頭關守備都督同知杜忠擊敗之斬三級

戊戌禮科右給事中周監以奏對蹇舌謫崇慶州判官曰命  
三十五歲以下及語言未正者各給事中對品調外  
已亥定遠縣獻瑞麥

復沙安順天治中食正四品俸

徐有貞李賢下錦衣獄初有貞以曹石起秉政後稍裁之

